



Ulloq: 4. december 2024
Allaffik: Nordatlantkontoret
Suli.sulia: Ditte Konradsen
Refsgaard
Suliap nr.-a:2023-04516
Takussutissiaq: 3071972

EQIKKAANEQ

**Kalaallit Nunaanni pinerluttulerinermi inatsisip
allanngortinneqarnissaa pillugu inatsisissatut siunnersuut
(Killilikkamik piffissaligaasumik inissiisarfimmi inissiinermi piffissap
sivisunerpaaffissaata qaffanneqarnera)**

Naalakkersuisut kissaateqarneratigut pinerluttulerinermi inatsimmi
killilikkamik piffissaligaasumik inissiisarfimmi inissiinermi piffissap
sivisunerpaaffissaa inatsisissatut siunnersuutikkut ukiunit quliniit ukiunut
16-inut qaffanneqarnissaa siunnersuutigineqarpoq. Inuit, piffissami
pinerluttuliorfiusumi 18-it inorlugit ukiullit inatsisissatut siunnersuummi
ilaatinneqanngillat.

Killilikkamik piffissaligaasumik inissiisarfimmi inissiinermi piffissap
sivisunerpaaffissaata sunnersuutikkut sivitsorneqarnerani, aallaaviatigut
pineqaatissiinermi killiffiup ullumikkut eqqartuussivinni atorneqartartup,
allanngortinneqarnani ingerlateqqinneqarnissaa naatsorsuutigineqarpoq.
Taamaalilluni pinerluttuliornerit, ullumik killilikkamik piffissaligaasumik
inissiisarfimmi inissiinermik pineqaatissiissutigineqartartut, pingaarnertut
malittarisassaq pingaarneq malillugu siunissami ullumikkutut
sivisussusilimmik pineqaatissiissutigineqartarnissaat
naatsorsuutigineqarpoq.

Eqqartuussiviit pisuni ilungersunarnerpaami, ingammik inunnut
navianaatilimmik pinerluuteqarnerni, kisianni pissutsit assigiinngitsut
malillugit aamma assersuutigalugu ingasattumik ikiaroorartut pillugit
pinerluttuliornerni, eqqartuussiviit killilimmik piffissalikkamik
inissiisarfimmi inissiinerup sivisussusilerneqarnerani

assigiinngisitaarisinnaanerminni, tassani killilikkamik piffissaligaasumik inissiisarfimmi inissiinermi sivilunerpaamik inissiisarneq ukiunik qulinik sivilussuseqarluni, tunngaviliisarnernannik allaanerusumik killilikkamik piffissaligaasumik inissiisarfimmi inissiinissami eqqartuussiviit sulii piffissaliinerminni annertunerusumik assigiinngisitaartumik inissiisinnaanerat, siunnersuutip periarfissippaa.

Pinerluttuliornerit ilaanni, tassani pineqaatissiissut ullumikkut inissiisarfimmi ukiuni assersuutigalugu arfineq pingasuni imaluunniit qulingiluani inissiinermik aalajangerneqartarluni, siunissami tassunga taarsiullugu inissiisarfimmi ukiuni qulingiluani imaluunniit ukiuni qulini inissiinermut aalajangerneqarsinnaassaaq – aamma qaqutigorluinnaq pisuni – ukiuni qulinik sivilunerusumi inissiisarfimmi inissiisoqarsinnaalissalluni.

Pisuni ataasiakkaani, ullumikkut tigummigallagassanngortitsinermik eqqartuussisoqarfiusuni, siunissami tassunga taarsiullugu siviluumik killilimmik piffissaligaasumik inissiisarfimmi inissinneqarnissamik eqqartuussisoqarsinnaanera akornuserneqarsinnaassanngilaq. Taamaattoq killilimmik piffissaligaasumik inissiisarfimmi inissiinissaq pinerluttuliortup inatsisinik unioqqutitseqqinnissaata pitsaaliorneqarnissaanut naammassanersoq, pinerluutigineqartup aamma inuup pinerluttuliortup ataatsimut naliliiffigineqarnera apeqqutaassaaq. Taamaalilluni pinerluttuliortup inuit allat inuunerannut, timaannut, peqqissusiannut imaluunniit kiffaanngissusaannut navianartorsiortitsinermik kinguneqartitsisinnaanera isumaqarfigineqartoq, aamma pisuni amerlasuuni navianaatip taassuma pitsaaliornissaanut ullumikkut tigummineqarallarnermik atuineq pisariaqartinneqartillugu, tigummigallarneqarneq sulii pisariaqartussaasoq naatsorsuutigineqartariaqarpoq.